

An den Großmechtigen Key-
ser Augustum Vorred Vicruuij/ in das
Erst buch der Architectur.

LS ich bey mir selbs betrachte /
Großmechtigster Keyser/ deiner Maiestat
gewaltige herrschung / vnd mechtige regie-
rung/ vber alle Reich der ganzen Welt / mit
vnüberwindlicher tugendt / rhumreichen
siege/ vnd glückliche Victorien/ deren sich al-
ler deiner May. Vnderthanen großlichen
erfrewen/ vnd mit sonderlichem hohem lob
preisen vn verehren/ des gleichen alle Völcker vn Nationen deiner
Maiestat gehorsamliche vnderworffen/ mit grosser vernunfft/ vn
Göttlicher fürsichtigkeit friedlichen regiert werden / also das alle
zwytracht des Römischen Senats vnd Bürgerschaft auffgehab-
ben/ vnd jezundt gestillet ist/ Hab ich bisher in solcher deiner Ma-
iestat hohen/ grossen vnd wichtige geschestten/ dieses mein Werck/
durch embsigen fleiß/ vnd keiner geringen mühe vnd arbeit/ zusam-
men gebracht/ deiner Maiestat nicht Dediciren oder außgehn las-
sen wollen / damit ich deine Maiestat nicht zu vngelegner zeit/ mit
solchem meinem vnbequemen fürbringen / dieser meiner Schrifft
arbeit/ vnhöfflichen bemühet. So ich aber diesen dingen fleissiger
nachtracht/ vnd deiner Maiestat hohen verstandt / vnd sonderli-
che weisheit/ eygestlicher erwyge / befinde ich/ das dein Maiestat
nicht allein allen neiß anwendet / auff friedliche regierung / vnd
was deiner Maiestat Vnderthanen nutz/ fruchtbar vnd fürtregliz-
chen sein mag/ sonder auch lust vnd gefallen hab/ die gemeinen Ge-
bew der Statt Rom zuuerordnen vnd bawē lassen/ Also das dein
Land nicht allein mit vielen Herrschafften vnd Prouingen tegliz-
chen zunimbt vnd vermehret wirt / sonder sich dein Maiestat für-
nemlichen befleisset / das die Großmechtigkeit des gewaltigen
Reichs/ durch mancherley gewaltige herrliche Gebew / jederman
kundt gethan werde/ Darumb ich lenger nicht hab verziehen wöl-
len / sonder zu ehren vnd wolgefallen deiner Maiestat / diese mein
sonderliche Schrifft arbeit / von der Architectur/ vnd allem dem/
so dem Bauwerck angehörig/ zuschreiben/ vnd öffentlich außgehn
lassen. Dann ich auch dieser ding halben deiner Maiestat Vatter
in aller vnderthenigkeit bekant gewesen / als er aber durch den
willen vnd verschaffung Gottes/ von dieser Welt abgescheiden/
a vnd